



ევროპის დროით



საქართველოს პარლამენტის ევროპასთან ინტეგრაციის კომიტეტი

ივნისი 2011 N6 (28)

საქართველო-ევროკავშირი. მიმდინარე პროცესები და გამოწვევები



ივნისში ევროკომისიამ საქართველოს მიერ 2010 წლის ENP-ის გეგმის შესრულების შესახებ შუალედური ანგარიში გამოაქვეყნა

ევროკომისიის 2010 წლის ENP-ის გეგმის შესრულების შესახებ შუალედური ანგარიშის თანახმად, 2010 წლის ENP-ის სამოქმედო გეგმით გათვალისწინებული პრიორიტეტების განხორციელების კუთხით საქართველომ მნიშვნელოვან წარმატებებს მიაღწია. ანგარიშში აღნიშნულია, რომ მნიშვნელოვან პროგრესს ჰქონდა ადგილი სასამართლო სისტემის რეფორმაში. კერძოდ, საქართველოს კონსტიტუციაში განხორციელდა ისეთი საგულისხმო ცვლილება, როგორცაა მოსამართლეთა უფადო დანიშვნა. გარდა ამისა, ძალაში შევიდა ახალი სისხლის სამართლის საპროცესო კოდექსი, რომლითაც დაინერგა ნაფიცმსაჯულთა სასამართლო სისხლის სამართლის საქმეებზე.

ანგარიშის მიხედვით მნიშვნელოვანი ნაბიჯები გადაიდგა საარჩევნო გარემოს გაუმჯობესების კუთხითაც. 2010 წლის ოქტომბერში მიღებულმა კონსტიტუციურმა ცვლილებებმა, კერძოდ, პრეზიდენტის ძალაუფლების შემცირებამ, პარლამენტის როლის გაზრდამ და სასამართლოს ხელისუფლების დამოუკიდებლობის გაძლიერებამ უზრუნველყო ხელისუფლების შტოებს შორის კონტროლისა და ბალანსის სისტემის შემდგომი სრულყოფა.

ანგარიშში აღნიშნულია, რომ 2010 წელს გაიმართა სახალხო დამცველის უფლებები, რომ იგი ეფექტურად განავრთოს დამოუკიდებელ მონიტორინგს ადამიანის უფლებების დარღვევებზე. ხელისუფლება მნიშვნელოვნად

უნყოფს ხელს მისი ფუნქციების განხორციელებაში, რომლის ერთ-ერთი გამოხატულება იყო მისთვის ბიუჯეტიდან დამატებითი თანხების გამოყოფა. გაიმართა ქალთა უფლებებიც. 2010 წლის მარტში პარლამენტის მიერ მიღებული იქნა კანონი გენდერული თანასწორობის შესახებ, რომელიც ითვალისწინებს ქალთა პოლიტიკაში მონაწილეობის გაძლიერებას და ხელისუფლების მხრიდან გენდერთან დაკავშირებულ საკითხთა დაგეგმარებასა და დაფინანსებას. 2008 წლის აგვისტოში რუსეთის მიერ საქართველოს მიმართ გახორციელებული აგრესიისა და გლობალური კრიზისის მიუხედავად, საანგარიშო პერიოდში საქართველოს ეკონომიკაში ადგილი ჰქონდა გაუმჯობესების ტენდენციას. კერძოდ, ქვეყანამ შეძლო შეენარჩუნებინა ფრთხილი ფისკალური და მონეტარული პოლიტიკის პოზიცია და მიაღწია პროგრესს გაცვლითი კურსის მოქნილობის მრდის მიმართულებით.

ანგარიშის თანახმად, მიუხედავად იმისა რომ ENP-ის სამოქმედო გეგმით გათვალისწინებული ამოცანების შესრულებისათვის საქართველო ძალისხმევას არ იშურებს, მან კიდევ უფრო უნდა სრულყოფს დემოკრატია, განსაკუთრებით პოლიტიკური და მედია პლურალიზმის კუთხით. უმცირესობების უფლებები და მათი ინტეგრაცია რჩება სივრცედ, სადაც ხელისუფლების მხრიდან უფრო მეტი აქტივობის გამოჩენაა საჭირო. მნიშვნელოვან გამოწვევად რჩება აგრეთვე ისეთი სფეროები, როგორცაა ასოციაციების თავისუფლება, შრომის უფლებები, დასაქმება და სოციალური პოლიტიკა, სოფლის მეურნეობის განვითარება და სიღარიბის დაძლევა. თუ ევროკომისიის ანგარიშებს ENP-ის შესრულებასთან დაკავშირებით დინამიკაში

განვიხილოთ, ცხადად დაგინახავთ, რომ საქართველომ 2010 წელს განსაკუთრებულ წარმატებებს მიაღწია. ყოველივე ეს, ცხადია, მნიშვნელოვნად უწყობს ხელს ქვეყნის ინტეგრაციულ პროცესებს ევროკავშირში, კერძოდ – ევროკავშირთან ასოციაციის შეთანხმების გაფორმების შესახებ მოლაპარაკებების ინტენსიფიკაციას, ევროკავშირის კანონმდებლობასთან დაახლოვებას და სხვა იმ ამოცანების შესრულებას, რომლებიც სამეზობლო პოლიტიკის სამოქმედო გეგმით არის გათვალისწინებული.

უახლეს ინფორმაცია საქართველოსა და ევროკავშირის შორის ასოციაციის შეთანხმებაზე მოლაპარაკებების შესახებ



წყარო: grn.ge

არჩილ ყარაულაშვილი, ევროპულ და ევრო-ატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატის ევროინტეგრაციის საკითხთა კოორდინაციის სამსახურის უფროსი .
“ღღვეანდელი მდგომარეობით, საქართველოსა და ევროკავშირს შორის ასოციაციის შეთანხმებაზე ჩატარებულია მოლაპარაკებების 5 რაუნდი. მოლაპარაკებები კონსტრუქციულ ვითარებაში მიმდინარეობს და ამ ეტაპზე მიღწეულია მნიშვნელოვანი პროგრესი.. კერძოდ, მოლაპარაკებების პროცესში გახსნილია:

- სამართლის, თავისუფლებისა და უსაფრთხოების თავები, რომელთა უდიდესი ნაწილი უკვე შეთანხმებულია;
- შეთანხმების პრეამბულის, პოლიტიკური დიპლომატის, საერთო საგარეო და უსაფრთხოების პოლიტიკის თავები;
- სექტორული თანამშრომლობის ნაწილის 19 თავი, აქედან უკვე შეთანხმებულია ტექსტის 12 თავი.

მოლაპარაკებების შემდეგი რაუნდი ბრიუსელში გაიმართება ამა წლის 11-12 ივლისს.”

ევროკალენდარი

11-12.07

ასოციაციის შესახებ შეთანხმებაზე მოლაპარაკებების მეექვსე რაუნდი. ბრიუსელი. ბელგია.

21-23.07

კონფერენცია „საქართველოს ევროპული გზა“ ბათუმი. საქართველო.

საკონტაქტო ინფორმაცია:

საქართველოს პარლამენტის ევროპასთან ინტეგრაციის კომიტეტი
საქართველო, თბილისი 0118, რუსთაველის გამზირი 8
ტელ.: (995 32) 2 28 17 08; (995 32) 2 28 13 92
ელ-ფოსტა: europa@parliament.ge

ევროკავშირის საინფორმაციო და დოკუმენტაციის ცენტრი
საქართველო, თბილისი 0118, რუსთაველის გამზირი 8
საქართველოს პარლამენტი, C კორპუსი, ოთახი 126
ტელ.: (995 32) 2 28 13 29
ელ-ფოსტა: euinfocentre@parliament.ge

ივნისის დაიჯესტი



წყარო: hiwordwatch.org

ევროკავშირი უნგრეთში აბორტის წინააღმდეგ კამპანიას აფინანსებს

ევროკავშირმა უნგრეთში აბორტის წინააღმდეგ კამპანიისათვის ფინანსები გამოჰყო, რამაც ცალკეული წევრი-ქვეყნების უკმაყოფილება გამოიწვია. მიაჩნიათ, რომ არასწორი მიმართულებით იხარჯება მათ მიერ ევროკავშირის უმუშევრობის და სოციალური სოლიდარობის პრევენციისათვის გამოყოფილი 416 000 ევრო. უნგრეთს სურდა ეს თანხა გამოეყენებინა ბუდაპეშტის მიწისქვეშა ტრანსპორტში სარეკლამო პოსტერებისათვის, რომლებზეც გამოსახული იქნებოდა ემბრიონი, რომელიც დედას ასე მიმართავს: "შესმის, რომ ჩემთვის მზად არ ხარ, მაგრამ ნუ მომკლავ, გამაშვილე!" 8 ივნისს ფრანგმა სოციალისტმა სილვი გუილომმა განცხადა, რომ აბორტის წინააღმდეგ კამპანია არ შეესაბამება ევროპის სტანდარტებს და ამიტომ თანხების გამოთხოვა აუცილებელია. უნგრეთს მიაჩნია, რომ ეს კამპანია მიზნად ისახავს შეილაღ აყვანის პოპულარიზაციას და ეხება მხოლოდ იმ ქალებს, ვინც აბორტს იკეთებენ იმის გამო, რომ ბავშვის გამრდის საშუალება არ აქვთ. ამასთანავე უნგრეთი აცხადებს, რომ ბრიუსელში ამ მოსაზრებას არ გაიზიარებს, ქვეყანა მზადაა თვითონ დააფინანსოს აღნიშნული კამპანია. პოსტერების შინაარსმა ქალთა უფლებათა დამცველები აღაშფოთა. უკანასკნელი გამოკითხვებით უნგრეთის მოსახლეობის 60% აბორტის მომხრეა.

ევროკომისია: უნდა გაიზარდოს ევროპის სამეზობლო ინსტრუმენტის დაფინანსება

30 ივნისს ევროკომისიამ მიიღო კომუნიკე მომავალი 2014 – 2020 წლების ფინანსური ჩარჩო-პროგრამის ბიუჯეტის შესახებ. კომუნიკეში ნათქვამია, რომ ევროპის სამეზობლო ინსტრუმენტისათვის (ENI) 16,1 მილიარდი ევრო უნდა გამოიყოს. ამ ინიციატივის დამტკიცების შემთხვევაში ახალი დაფინანსება სამეზობლო პოლიტიკისათვის 40%-ით გაიზარდება. ევროკავშირის კომისარმა გაფართოებისა და სამეზობლო პოლიტიკის საკითხებში შტეფან ფულემ განაცხადა: "დღეს ევროკომისია ევროპის სამეზობლო ინსტრუმენტის დაფინანსების 4,7 მილიარდი ევროთი გაზრდას ინიციატივით გამოდის. დარწმუნებული ვარ, რომ ევროკავშირის მიერ ჩვენი სამხრეთისა და აღმოსავლეთის პარტნიორების მხარდაჭერა მნიშვნელოვან ფაქტორს წარმოადგენს დემოკრატიზაციის პროცესის

წარმატებისა და ეკონომიკურ და სოციალურ განვითარების გაუმჯობესებისათვის. დაფინანსების ეს მნიშვნელოვანი ზრდა ჩვენი სამეზობლოს მიმართ ჩვენ მხარდაჭერასა და ევროკავშირისათვის მისი მნიშვნელობის ზრდას ასახავს".

მიღებული გადაწყვეტილება განსაზღვრავს ფართო საბიუჯეტო მიმართულებას 2013 წლის შემდგომი ფინანსური პერიოდისათვის და ასევე შეიცავს წინადადებებს ახალი მრავალწლიანი ფინანსური ჩარჩო დოკუმენტისათვის (MFF). შემდეგი ნაბიჯი იქნება ევროკავშირის საგარეო მოქმედების სამომავლო ინსტრუმენტების შესახებ საკანონმდებლო წინადადებების პაკეტი, რომლის მიღება 2011 წლის დეკემბერში დაგეგმილი.

საქართველოს მთავრობისა და ევროკავშირის თანადაფინანსებით ნიქოზი და სალთვისი სარწყავი წყლით მომარაგდება

ივნისის შუა რიცხვებში ნიქოზის წყლის სატუმბ სადგურზე ნიქოზისა და სალთვისის სარწყავი წყლით უზრუნველსაყოფად დაიწყო საინჟინრო სამუშაოები - მილების დამონტაჟება და სხვა ტექნიკური ღონისძიებები. პროექტი ხორციელდება საქართველოს მთავრობისა და ევროკავშირის თანადაფინანსებით, საიდანაც, ევროკავშირის წილი 800 000 ევროს შეადგენს. პროექტს ახორციელებს ეუთო, რეგიონული განვითარებისა და ინფრასტრუქტურის სამინისტროს მენეჯიპალური განვითარების ფონდთან ერთად. ცერემონიის დროს აღინიშნა ამ პროექტის სამეურნეო და ჰუმანიტარული მნიშვნელობა კონფლიქტების შედეგად დაზარალებულ მოსახლეობისათვის.

დიალოგი ბრიუსელში ადამიანის უფლებებთან და ცვის საკითხებზე

2011 წლის 20 ივნისს ბრიუსელში საქართველოსა და ევროკავშირის შორის გაიმართა დიალოგის მეოთხე რაუნდი ადამიანის უფლებების დაცვის საკითხებზე. ევროკავშირი ადამიანის უფლებების თაობაზე დისკუსიებს მსოფლიოს 40-მდე სახელმწიფოსთან ახორციელებს. საქართველოს დელეგაციას ხელმძღვანელობდა საგარეო საქმეთა მინისტრის მოადგილე სერგო კაპანაძე, ევროკავშირის დელეგაციას – ევროკავშირის საგარეო სამსახურის ადამიანის უფლებათა დეპარტამენტის, ადამიანის უფლებების დაცვის პოლიტიკის განყოფილების უფროსი რიჩინა კონკა. დიალოგი ექსპერტების დონეზე ღია და საქმიან ვითარებაში მიმდინარეობდა. განხილულ იქნა ორმხრივი ინტერესისა და აქტუალური საკითხების ფართო სპექტრი, ასევე კონკრეტული თანამშრომლობის შესაძლებლობები. კერძოდ,

საუბარი შეეხო ისეთ საკითხებს, როგორცაა: ადამიანის უფლებების დაცვის ეროვნული კანონმდებლობა, მართლმსაჯულების სისტემის რეფორმა, არჩევნები და საარჩევნო კანონმდებლობა, გამოხატვისა და ინფორმაციის, შეკრებისა და გაერთიანების თავისუფლება, მათ შორის - სამოქალაქო საზოგადოების ფუნქციონირება; უმცირესობათა და იძულებით გადაადგილებულ პირთა უფლებები და ვითარება ადამიანის უფლებების თვალსაზრისით აფხაზეთში, საქართველო და ცხინვალის რეგიონი/სამხრეთ ოსეთი, საქართველო. ასევე განიხილეს ადამიანის უფლებათა საკითხებზე თანამშრომლობა საერთაშორისო ორგანიზაციების, კერძოდ გაეროს, ეუთოს და ევროსაბჭოს ფარგლებში. ევროკავშირი და საქართველო შეთანხმდნენ ადამიანის უფლებათა დიალოგის მორიგი რაუნდის წინ ევროკავშირსა და საქართველოს სამოქალაქო საზოგადოების მონაწილეობით სემინარის ჩატარებაზე.



წყარო: euobserver.com

საბერძნეთის საკითხზე შეთანხმების გზები ნაპოვნია

ევროკავშირის ფინანსთა მინისტრებმა ბრიუსელში საგანგებო შეხვედრაზე ცენტრალურ ევროპულ ბანკსა და გერმანიას შორის შეთანხმების საკითხი - საბერძნეთისათვის გამოყოფილ დახმარების, კერძოდ, ობლიგაციების მფლობელთა სამომავლო ქმედების განსაზღვრის საკითხი განიხილეს. გერმანიის თანახმად, უნდა მოხდეს არსებული ობლიგაციების შეცვლა 7 წლის განმავლობაში განაღდებად ობლიგაციებად. ეს საბერძნეთს ვალის დასაფარავად უფრო მეტ დროს მისცემს.

ცენტრალური ევროპული ბანკის გეგმა კი, რომელსაც მხარს უჭერენ ევროკომისია და საფრანგეთი, ობლიგაციების განაღდებას და ვალის დაფარვის სხვაგვარ მეთოდს გულისხმობს, რომლის მიხედვითაც ობლიგაციის მფლობელებს შეუძლიათ ვალი მაშინ დაფარონ, როდესაც საკუთარი ობლიგაციების განაღდებას მოახერხებენ. ცენტრალური ევროპული ბანკს მიაჩნია, რომ გერმანიის გეგმა ეკონომიკურ ბაზარზე ქაოსს გამოიწვევს. ბელგიის ფინანსთა მინისტრის - დიდიენ რეინდერსის თქმით, იძულებითი გეგმა, რომელსაც გერმანია ემხრობა, შესაძლოა საბერძნეთისათვის, არამედ მომავალში პორტუგალიისა და ირლანდიისათვისაც. ცენტრალური ბანკის პრეზიდენტობის კანდიდატს მარიო დრატს ასევე სახიფათოდ მიაჩნია იძულებითი ღონისძიებები. იგი ემხრობა ე.წ. ვენის ინიციატივას ვალის ნებაყოფლობით გადახდის შესახებ.

საინტერესოა:

ფაზრო: European Council Press center



ჰერმან ვან რომპეი:

“ნება მიბოძეთ ერთხელ კიდევ შეგახსენოთ ევროკავშირის პოზიცია საქართველოს უსაფრთხოების, სტაბილურობის, სუვერენიტეტისა და ტერიტორიული მთლიანობისადმი უწყვეტი მხარდაჭერისა და 2008 წლის 12 აგვისტოს ექვსპუნქტიანი შეთანხმების და მისი თანხმების ღონისძიებების სრული განხორციელების შესახებ.” განაცხადა ევროკავშირის საბჭოს პრეზიდენტმა ჰერმან ვან რომპეიმ თავის სიტყვაში 10 ივნისს ნიჟინოვოროდში ევროკავშირი-რუსეთის სამიტის დასასრულს რუსეთის პრეზიდენტთან დიმიტრი მედვედევთან და ევროკომისიის პრეზიდენტთან ფოზე მანუელ ბაროზოსთან ერთობლივ პრესკონფერენციაზე. 9 ივნისს ევროპარლამენტმა მიიღო რეზოლუცია ევროკავშირი-რუსეთის სამიტის შესახებ, რომელშიც, სხვა საკითხებთან ერთად, რუსეთს მოუწოდებს „პატივი სცეს იმ შეთანხმებებს, რომელსაც ხელი მოაწერა, შეასრულოს ცეცხლის შეწყვეტის შეთანხმებით აღებული ყველა ვალდებულება და დაუყოვნებლივ გაიყვანოს ჯარები საქართველოს სამხრეთ ოსეთის და

აფხაზეთის ოკუპირებული ტერიტორიებიდან კონფლიქტამდე არსებულ პოზიციებზე, ასევე უზრუნველყოს ევროკავშირის სადამკვირვებლო მისიის შესვლა ამ ტერიტორიებზე”. რეზოლუცია ასევე მოუწოდებს ევროკომისიას, “დაარწმუნოს რუსეთი შეწყვიტოს პასპორტების გაცემა სამხრეთ ოსეთის და აფხაზეთის ოკუპირებული რეგიონების მოსახლეობისთვის”.

კონფერენცია „საქართველოს ევროპული გზა“

ევროპულ და ევროატლანტიკურ სტრუქტურებში ინტეგრაციის საკითხებში საქართველოს სახელმწიფო მინისტრის აპარატის თაოსნობით მიმდინარე წლის 21-23 ივლისს ბათუმში გაიმართება VIII საერთაშორისო კონფერენცია “საქართველოს ევროპული გზა”, რომელშიც მონაწილეობას მიიღებენ ევროკავშირისა და აღმოსავლეთ პარტნიორობის წევრი-ქვეყნების, ევროკავშირის ინსტიტუტების მაღალი დონის წარმომადგენლები, საქართველოს პრეზიდენტი, საქართველოს პრემიერ-მინისტრი, საქართველოს მთავრობისა და პარლამენტის წევრები, თბილისის მერი, სხვადასხვა უწყებების ხელმძღვანელები და არასამთავრობო სექტორის წარმომადგენლები.

კონფერენცია მიეძღვნება ევროკავშირის აღმოსავლეთ სამეზობლოსთან პარტნიორობას (EaP), მის პოლიტიკურ და ეკონომიკურ განზომილებას, აღმოსავლეთ ევროპის რეგიონის უსაფრთხოებას, რუსეთ-საქართველოს კონფლიქტის მოგვარების, ვაჭრობისა და ინვესტიციების, საგიზო ურთიერთობების, დემოკრატიისა და კანონის უზენაესობის საკითხებს.

ევროსტატისტიკა

ევროპელთა დამოკიდებულება ტურიზმის მიმართ

გასულ თვეში ევრობარომეტრმა გამოაქვეყნა 2010 წლის სტატისტიკური მონაცემები ტურიზმის მიმართ ევროპელთა დამოკიდებულების შესახებ. გამოკითხვაში მონაწილეობა მიიღო 30 000 რესპოდენტმა ევროკავშირის 27 წევრი და 5 არაწევრი (თურქეთი, ხორვატია, ყოფილი იუგოსლავიის რესპუბლიკა მაკედონია, ნორვეგია, ისლანდია) ქვეყნიდან. შედეგებმა აჩვენა, რომ 2010 წლის მანძილზე გამოკითხულთა 73%-ს პირადი ან სამსახურეობრივი მიზნით ერთხელ მაინც მოუწია მოგზაურობა. მოგზაურობის მოყვარულთა 36%-მა მოტივაციის ძირითად მიზნად “დასვენება და რეკრეაცია” დაასახელა. აქედან 18% ამისათვის ირჩევდა “ზღვა/მზის” ტიპის დასასვენებელ ადგილებს. თითქმის ყველა გამოკითხულ ქვეყანაში ახალი ტურისტული მარშრუტების მოყვარულთა რიცხვი აღემატებოდა ტრადიციული დასვენების მიმდევართა რიცხვს. ამ მხრივ ახალი ტურისტული ადგილების მიმდევართა ყველაზე დიდი მაჩვენებელი იყო ისლანდიაში (43%), ნორვეგიასა (44%) და ყოფილი იუგოსლავიის რესპუბლიკა მაკედონიაში (44%). ევროპელთა 36%-მა აღნიშნა, რომ არატრადიციული ტურისტული ადგილების მონახულება საშუალებას იძლევა, გაცნონ ადგილობრივ კულტურასა და ცხოვრების წესს და ამავე დროს ასეთი ადგილები ფინანსურადაც მიმზიდველია (ფასის/ხარისხის შეფარდებით). დასასვენებელი ადგილების შერჩევისას ევროპელთა 32%-მა უპირატესობა კარგ ადგილობრივ გარემოს მიანიჭა, 27%-მა ამ ადგილის კულტურულ მემკვიდრეობასა და ისტორიულ ღირებულებას და მხოლოდ 14%-მა იქ არსებულ გართობის საშუალებებს. ადგილის შერჩევისას, 58%-ის აზრით, გადამწყვეტი იყო მათი ნაცნობების რეკომენდაცია, ხოლო 45%-მა კი საკმარის ინფორმაციას ინტერნეტი მიიღო. დასასვენებელ ადგილებში გასამგზავრებლად ევროპელთა 44% ავტომობილს ან მოტოციკლს, ხოლო 39% თვითმფრინავს ირჩევდა. თითქმის ყველა ქვეყანაში გამოკითხულ დამსვენებელთა მხოლოდ 14%-მა დაჯავშნა ავიაბილეთები და სასტუმროები ტურისტული სააგენტოების მეშვეობით. 10%-მა მზა ტურისტული საგზურები შეიძინა. გამოკითხულთა ნახევარზე მეტმა თვითონ დაგეგმა მოგზაურობასთან დაკავშირებული საკითხები. ასეთ დამსვენებელთა ყველაზე დიდი რიცხვი იყო თურქეთში (80%), ისლანდიაში (79%), ხორვატიაში (78%), რუმინეთსა (77%) და უნგრეთში (76%). 2011 წლის დასასვენებელი სეზონისათვის ევროპელთა გეგმები ასე განაწილდა: 38% აპირებს შევბუღება მშობლიურ ქვეყანაში გაატაროს, ყოველი მეხუთე გეგმავს ევროკავშირის სხვა ქვეყანაში მოგზაურობას და მხოლოდ 16% -მა გამოთქვა არაწევრი სახელმწიფოში დასვენების სურვილი. საერთო არაფერი აქვს.

ევრობიბლიოთეკა

ევროპის თემაზე გამოცემული უახლესი ლიტერატურა



Zoltán Horváth
Handbook on the European Union (Third edition)
გამომცემელი: HVG-ORAC Publishing House Ltd
ენა: ინგლისური



Richard Corbett MEP, Francis Jacobs and Michael Shackleton
I'm the Perfect Enjoyment
გამომცემელი: John Harper
ენა: ინგლისური

პოლონეთი ევროკავშირის პრეზიდენტი ქვეყანა გახდა



2011 წლის ივლისიდან პოლონეთი ექვსი თვით ევროკავშირის საპრეზიდენტო ქვეყნის პოსტს ჩიაბარებს.

საყურადღებოა პოლონეთის პარლამენტარიზმის ისტორია 1228 წელს იწყება, როდესაც პრინცმა ლადიმლასმა სიენას (სათათბირო ორგანოს) დაავალა კანონებზე მეთვალყურეობა. 1505 წელს პოლონეთის სეიმმა მიიღო კონსტიტუციური მნიშვნელობის დადგენილება - Nihil Novi (რაც ნიშნავდა: არავითარი სიახლე ჩვენი თანხმობის გარეშე), რომლის მიხედვითაც მეფეს ევროპულად კანონის მიღება დეპუტატების თანხმობის გარეშე. 1791 წლის მაისში პოლონეთმა მიიღო კონსტიტუცია, რომელიც პირველი დაწერილი კონსტიტუცია იყო ევროპაში; კონსტიტუციური აქტი არეგულირებდა სახელმწიფო კანონმდებლობის ჩარჩოებს. 1919 წელს ჩატარდა საკანონმდებლო ორგანოს - სეიმის საყოველთაო არჩევნები, სადაც ხმის მიცემის უფლება ქალებსაც მიენიჭათ.

1921 წელს კონსტიტუციაში ჩაიდო ქალებსაც ხელისუფლების რესპუბლიკური ფორმირების პირობა; საკანონმდებლო ორგანოს მთავარი როლი მიენიჭა აღმასარულე ხელისუფლებასთან შედარებით. შეიქმნა ორი პალატა: სეიმი და სენატი, პრეზიდენტის ადმინისტრაციული ძალაუფლების შემლდვით, გაიზარდა სამოქალაქო უფლებათა გარანტიები. 1935 წელს კონსტიტუციაში შეტანეს საპრეზიდენტო სისტემის ელემენტები, ხოლო საკანონმდებლო ორგანოს როლი მკვეთრად შემოღდა. 1947 წელს პოლონეთში კომუნისტური პარტიის დიქტატურა დამყარდა, რაც 1989 წლამდე გაგრძელდა. 1991 წელს ოქტომბერში პირველი თავისუფალი საპარლამენტო არჩევნები ჩატარდა, 1997 წელს ეროვნულმა ასამბლეამ პოლონეთის რესპუბლიკის

ახალი კონსტიტუცია მიიღო. 2002 წელს სეიმის მიერ მიღებული რეფორმული დაიწყო სვლა ევროკავშირში გაწევრიანებისკენ, რაც 2004 წლის 1 მაისს წარმატებით დაგვირგვინდა.

ერასმუს მუნდუსის სტიპენდიები რაოდენობრივ ეკონომიკაში

ერასმუს მუნდუსი აცხადებს რაოდენობრივ ეკონომიკაში სამაგისტრო სტიპენდიების პროგრამას ეკონომიკასა ან მონათესავე მეცნიერებებში მინიმუმ ბაკალავრის აკადემიური ხარისხის მფლობელი წარჩინებული სტუდენტებისთვის. პროგრამის სახელწოდებაა „რაოდენობრივ ეკონომიკის მოდელები და მეთოდები“ (QEM). პროგრამა აერთიანებს შემდეგ ხუთ საერთაშორისო უნივერსიტეტს: ბარსელონას ავტონომიური უნივერსიტეტი (ესპანეთი), ბილფელდის უნივერსიტეტი (გერმანია), ლუვენის კათოლიკური უნივერსიტეტი (ბელგია), პარიზის პანთეონ-სორბონის უნივერსიტეტი (საფრანგეთი) და ვენეციის კა' ფოსკარის უნივერსიტეტი (იტალია). დაინტერესებულმა კანდიდატებმა ინგლისურ ენაზე ან ნოტარიულად დამონმებული ინგლისური თარგმანით PDF ფაილის ფორმატში ელექტრონულად უნდა გაგზავნონ შემდეგი დოკუმენტაცია:

- ★ რეზიუმე (CV);
- ★ სამოტივაციო წერილი;
- ★ მინიმუმ ბაკალავრის დიპლომის ნოტარიულად დამონმებული ასლი ნიშნების ფურცელთან ერთად (მშობლიურ უმაღლეს სასწავლებელში გავლილ თითოეულ სასწავლო კურსში მიღებული შეფასებების ამსახველი დოკუმენტაცია);
- ★ ინგლისური ენის ცოდნის დამადასტურებელი დოკუმენტაცია (TOEFL-სა ან IELTS -ის ოფიციალურ ტესტებში მიღებულ შეფასებათა დამადასტურებელი დოკუმენტაცია);
- ★ ორი სარეკომენდაციო წერილი;
- ★ საპასპორტო ფოტოსურათი სხვა დამატებით დოკუმენტაციასთან ერთად, რომლის გაგზავნასაც კანდიდატი ჩათვლის მიზანშეწონილად.

განაცხადების გაგზავნის ბოლო ვადაა 2011 წლის 31 ივლისი.

პარიზის სორბონის უნივერსიტეტის სასწავლო პროგრამა „მათემატიკური მეთოდები ეკონომიკასა და ფინანსებში“

პარიზის პანთეონ-სორბონის უნივერსიტეტი აცხადებს კონკურსს მინიმუმ ბაკალავრის აკადემიური ხარისხის მფლობელი წარჩინებული სტუდენტებისთვის სამაგისტრო სასწავლო პროგრამაში „მათემატიკური მეთოდები ეკონომიკასა და ფინანსებში“ (M1 – MMEF) მონაწილეობის მისაღებად. პროგრამა ტარდება ინგლისურ ენაზე. საგალდებულოა ინგლისური ენის ცოდნის დამადასტურებელი დოკუმენტაციის წარდგენა (TOEFL ტესტის ოფიციალურ გამოცდაში მიღებული შეფასებები). აღნიშნული დოკუმენტაციის გაგზავნა საგალდებულო არაა მათთვის, ვისაც მშობლიურ უმაღლეს სასწავლებელში გავლილი აქვს ინგლისური ენის შემსწავლელი ოფიციალური სასწავლო კურსი.

დაინტერესებულმა კანდიდატებმა PDF ფორმატში, ელექტრონულად უნდა გაგზავნონ ინგლისურ ენაზე შედგენილი ან აღნიშნულ ენაზე თარგმნილი (ნოტარიულად დამონმებული) შემდეგი დოკუმენტაცია:

- ★ განაცხადი ჩარიცხვის თაობაზე;
- ★ კანდიდატის პირადი ინფორმაციის, შექმნილი უმაღლესი განათლებისა და შესაძლებლობის ფარგლებში მიღებული აკადემიური ხარისხის შესახებ სრულყოფილი ინფორმაციის შემცველი რეზიუმე (CV);
- ★ სრულყოფილი სამოტივაციო განცხადება;
- ★ მინიმუმ ბაკალავრის დიპლომის ასლი ნიშნების ფურცელთან ერთად;
- ★ ინგლისური ენის ცოდნის დამადასტურებელი დოკუმენტაცია (TOEFL გამოცდაში მიღებული შეფასებები);
- ★ ორი სარეკომენდაციო წერილი;
- ★ წინარესამაგისტრო (GRE) გამოცდაში მიღებული შეფასებების ამსახველი დოკუმენტაცია (საგალდებულო არ არის, მაგრამ სასურველია);
- ★ ვკლავითი პროექტის თემისები და გამოქვეყნებულ ნაშრომთა სია.

განაცხადების გაგზავნის ბოლო ვადაა 2011 წლის 31 ივლისის დღის 12 საათი.

გემოთ ჩამოთვლილი სასწავლო სტიპენდიების შესახებ დამატებითი ინფორმაციის მისაღებად იხილეთ შემდეგი ვებ-გვერდი www.iliauni.edu.ge ან მიმართეთ ილიას სახელმწიფო უნივერსიტეტის სტუდენტურ სერვის ცენტრს – თბილისი, ჭავჭავაძის გამზირი N 32, ოთახი N 219-220, ტელ.: (832 229 47 11)

euinfocentre@parliament.ge

ევროკავშირის
საინფორმაციო და
დოკუმენტაციის
ცენტრი
საპარლამენტო
პარლამენტში

FM 102.4
"აილიუსი ქართლ"
იონიას ადრეაპოსტოს ადრეაპოსტი

ყოველ შაბათს უსმინეთ
გადაცემას
**ევროპის დროით ირინა
ცერცვაძესთან ერთად**
საქართველოს რადიოს
პირველი არხი

Konrad
Adenauer
Stiftung

კონრად ადენაუერის
სახელობის ფონდის
დაფინანსებით
“ევროპის დროით“
იბეჭდება საქართველოს
4 რეგიონულ გაზეთში

ნომერზე მუშაობდნენ:
ირინა ცერცვაძე, თეა ტარეილაშვილი
თამარ ჭელიძე, მარიკა კაჭარავა

“ევროპის დროით“
ელექტრონული ვერსია შეგიძლიათ იხილოთ
www.parliament.ge/ ევროპასთან ინტერგაციის კომიტეტი